

安仁縣志卷十六

驛鹽

傳命在驛通商在鹽有分司矣

國朝合為一官設觀察使總其事義取流通政歸畫一

凡在化宇共慶

昇平安邑無大徵發故亭長不設鹽政設立諸卡盤緝

私梟近奉奏減鹽課民食其利德之流行視置郵而

更速不信然與志驛鹽

驛

紫雲驛

在縣治西宣化坊前臨鋪水後枕玉臺漢紫雲古埠置驛唐如之宋分水馬站明初革去馬站專設

安仁縣志

卷十六

驛鹽

一

水站於紫雲曰安仁站設船五隻後裁公基現存見公署志 國朝移設縣署頭門內左側驛馬四匹馬夫一名

藍橋總鋪原額鋪司兵七名今存四名隅各一名鋪基現在城內藍溪橋左

東總鋪十里至石港鋪原額兵五名今存三名鋪基現存

石港鋪十里至界山鋪

界山鋪原額兵五名今存三名鋪基現存界山鋪二十里

至貴溪中館鋪交界

南總鋪十里至高嶺鋪原額兵五名今存三名鋪基現存

高嶺鋪十里至腰鋪

腰鋪原額兵五名今存三名鋪基現存腰鋪十里至東鄉

西鋪交界

西總鋪十里至餘干華山鋪交界

北總鋪十五里至岡上鋪鋪基現存岡上鋪十里至新添鋪二處原額鋪司兵三名今存二名現在二處總名新添鋪

新添鋪十里至萬年牧羊鋪交界

鋪司兵一十八名工食銀九十七兩二錢遇閏加銀八錢一分

走遞人夫二十八名工食銀三百二兩四錢遇閏加銀二十五兩二錢

差馬四匹工料銀一百一十五兩二錢遇閏加銀九兩六錢

馬夫一名工食銀一十兩八錢遇閏加銀九錢

### 安仁縣志

#### 卷十六

#### 驛鹽

按舊志安仁各鋪順治年間額兵三十名康熙時奉文裁減止存一十八名每名每年工食銀五兩四錢月小每名扣小建銀一分五釐閏月每名加銀四錢五分按季給領言之詳矣而走遞人夫差馬馬夫各項銀兩胥關驛站前志未及今特採增以成驛務完書

鹽例食  
准鹽

安仁原額每年銷准鹽一千三百八十引五分嘉慶二十一年知縣柯輅詳准減銷四分現在每歲額銷鹽八百二十八引三分

藍橋水卡奉委分防鄧埠縣丞帶巡丁十名書識一名本  
汛撥營兵十名巡船一隻水手二名兼緝

石港水卡巡緝鹽梟原無專員奉委武弁或參將或遊擊  
或都司守備各帶兵四十名會同本府文員或同知通判  
各帶役二十名駐卡巡緝半年更代又卡商一名巡丁十  
名巡船二隻水手四名

長塘陸卡奉委鄧埠汛千總帶兵三十名巡緝私梟  
新設北倉陸卡奉委縣丞帶書識一名鹽快八名巡緝私  
梟

按緝私委員兵役時有更移今就見行者記之